

ԴՐՈՇՄԱԶԱՐԴ ԿԱՐԱՄՆԵՐ ՇԻՐԱԿԻՑ

Հայաստանում դրոշմազարդ կարասները լայն տարածում են ստանում XI-XII դարերում և առավելապես հայտնի են Անիի<sup>1</sup> և Դվինի<sup>2</sup> պեղումներից: Գտնվել են նաև Գառնիից<sup>3</sup> և Անրեղից:<sup>4</sup>

Դրոշմազարդ կարասների հետ կապված մի շարք հարցերով զբաղվել են տարբեր գիտնականներ: Տարբեր են դրանց ծագման, արտադրության կենտրոնների, ինչպես նաև թվագրման վերաբերյալ կարծիքները:

Անիից գտնված դրոշմազարդ կարասներն ուսումնասիրելիս, դեռևս 1930-ական թվականներին, Գ. Չուբինովը կարասների թվագրումը կատարեց ըստ զարդանախշերի՝ դրոշմների տարաբնույթ տեսարանները համարելով մահմեդական արվեստի արդյունք: Ըստ Չուբինովի՝ «զարդարման բարձր տեխնիկան և նրա տարբեր եղանակները մահմեդական արվեստի հնարանք են, բնավ ոչ հայկական: Անիում սա բացառապես հանդես է գալիս իբրև օտար գեղարվեստական ստեղծագործության արդյունք»:<sup>5</sup> Անրեղից գտնված դրոշմազարդ կարասներով զբաղվող Ս. Իզմայլովան թեև քննադատում էր Չուբինովի տեսակետը, սակայն ինքը ևս չկարողացավ ամբողջությամբ ազատվել այդ սխալ տեսակետից:<sup>6</sup> Ռուս գիտնականներից Բ. Շելկովնիկովը գտնում է, որ դրոշմազարդ կարասները վերաբերում են XII-XIII դարերին:<sup>7</sup> Հետագայում հայ գիտնականների ուսումնասիրությունները ցույց տվեցին, որ այս տիպի կարասների արտադրության կենտրոնները եղել են Հայաստանում և հայկական տարր ունեցող անդրկովկասյան քաղաքներում,<sup>8</sup> իսկ Դվինի նյութերի ուսումնասիրության արդյունքում Կ. Ղաֆադարյանը հանգեց այն կարծիքին, որ դրոշմազարդ կարասները լայն կիրառություն են ունեցել Դվինում, արտադրվել են տեղում և թվագրվում են IX-XI դարերով:<sup>9</sup> Կ. Ղաֆադարյանն ու Ա. Քալանթարյանը, դիտողություններ անելով խեցեղենի արտադրության հավանական կենտրոնների մասին, չեն բացառում, որ Դվինի և Անիի արտադրանքով առաջին հերթին ապահովվել են Արարատյան դաշտը և Շիրակը:<sup>10</sup> Դրոշմազարդ կարասներ գտնվել են նաև Անրեղից (բոլորը բեկորային): Ուսումնասիրությունը ցույց է տալիս, որ դրանք արտադրվել են տեղում և թվագրվում են XII-XIII դդ.:<sup>11</sup> Դվինի, Անիի և Հայաստանի մյուս հնավայրերից հայտնաբերված դրոշմազարդ խեցեղենի խնդիրներով, հատկապես գեղարվեստական խեցեղենի զարդաձևերով, զբաղվել է նաև Ֆ. Բաբայանը:<sup>12</sup>

Սույն հոդվածում քննության առարկա են Շիրակի միջնադարյան մի քանի հնավայրերի (Մարմաշեն, Կումայրի, Հայկաձոր)\* պեղումներից հայտնաբերված դրոշ-

<sup>1</sup> Հատկանշական ցուցակ թանգարանային ժողովածուների, պրակ, II, Անի քաղաքի պեղումներից հայտնաբերված առարկաները, Եր., 1982, էջ 8-24:  
<sup>2</sup> Ա. Ք ա լ ա ն թ ա ղ ա ն, Դվին I, Եր., 1976, էջ 70-71; Կ. Ղաֆադարյան, Ա. Քալանթարյան, Դվին քաղաքը և նրա պեղումները 1973-1980թթ., Եր., 2002, էջ 83-84:  
<sup>3</sup> Բ. Ա ռ ա թ ե լ յ ա ն, Գ. Կ ա ղ ա խ ա ն յ ա ն, Գառնի III, Եր., 1962, էջ 74-80:  
<sup>4</sup> Ա. Հ ա ղ ա ղ ա ն, Անրեղ, Եր., 1978, էջ 97-98:  
<sup>5</sup> Г. Ч у б и н о в, Декоративное убранство анийских карасов, Христианский Восток, т. V, вып. 1, П гр., 1916г.  
<sup>6</sup> Т. И з м а й л о в а, Керамика из раскопок в Анверде, стр. 192.  
<sup>7</sup> Б. Ш е л к о в н и к о в, Художественная керамическая промышленность средневековой Армении, Стеліկազիր, 3-4, Եր., 1942, էջ 11-14:  
<sup>8</sup> Կ. Ղ ա ֆ ա դ ա ղ ա ն, Ա. Ք ա լ ա ն թ ա ղ ա ն, նշվ. աշխ. էջ 84:  
<sup>9</sup> Կ. Ղ ա ֆ ա դ ա ղ ա ն, Դվին քաղաքը և նրա պեղումները, Եր., 1952, էջ 194-197:  
<sup>10</sup> Կ. Ղ ա ֆ ա դ ա ղ ա ն, Ա. Ք ա լ ա ն թ ա ղ ա ն, նշվ. աշխ., էջ 84:  
<sup>11</sup> Ա. Հ ա ղ ա ղ ա ն, նշվ. աշխ., էջ 98:  
<sup>12</sup> Ֆ. Բ ա ղ ա յ ա ն, Միջնադարյան Հայաստանի գեղարվեստական խեցեղենի զարդաձևերը, Եր., 1981:  
\* Մարմաշենի և Կումայրիի պեղումները ղեկավարել է հնագետ Ա. Հարությունյանը:

մագարդ կարասները: Բոլոր գտածոները բեկորային են: Դրոշմները ներկայացնենք ըստ թեմաների.

*Երկրաչափական զարդանախշեր.* Կումայրիի պեղումներից գտնված բեկորը կարմիր ամանի եռանկյունաձև ունկ է, որի վրա խաչ է դրոշմված (ՇԵԹ 3702/24):\*\* Բեկորի վրա պահպանվել են հավասարաթև խաչի երեք թևերը (տախտակ I, նկ.2):

Բաց վարդագույն երեսով, մոխրագույն աստառով մանրահատիկ կավից, լավ թրծված կարասի մեկ այլ բեկորի վրա արված կնքադրոշմը 3,7սմ երկարություն և 3սմ լայնություն ունեցող ուղղանկյուն է: Կենտրոնից չորս անկյունները գնացող ձվածիրներով և դրանց միջև արված փոքր եռանկյունիներով ստացվել է վարդյակի և հավասարաթև խաչի պատկեր (ՇԵԹ 3702/27) (տախտակ I, նկ.3): Այս զարդանախշի ամենավաղ օրինակները հայտնի են վաղ քրիստոնեական ճարտարապետական կոթողներից և պահպանվել են Ագարակի և Թալինի վաղ միջնադարյան քառակող կոթողների պատվանդանների վրա:<sup>13</sup>

Մոխրագույն, մանրահատիկ կավից լավ թրծված կարասի մեկ այլ բեկորի վրա պահպանվել է կնքադրոշմի երկու պատկեր (ՇԵԹ 3702/30): Երկուսն էլ թերի են (տախտակ I, նկ.4): Դրոշմներն արվել են իրարից 3,5 սմ հեռու: Իսկ պատկերն այսպիսին է. 3,5 սմ տրամագծով շրջանը բաժանված է կենտրոնից ելնող 8 ճառագայթներով: Պատկերի շրջագծով ճառագայթների միջև արված են մեկական կետեր:

Դեղնավուն մանրահատիկ կավից, բավականին լավ թրծված, կարմիր անգորպպատ մեկ այլ բեկորի վրա շրջանի մեջ առնված երկու եռանկյունիներից կազմված վեցաթև աստղ է՝ կենտրոնում փոքր շրջան (ՇԵԹ 3702/25): Բեկորը փոքր է, դրոշմը՝ քիչ թերի: Դրոշմն արվել է իրար զուգահեռ երկու խորակոս գծերով սահմանափակված տարածքում, որն ունի 3,5սմ լայնություն (տախտակ I, նկ. 5): Բոլոր բեկորները գտնվել են Կումայրիի կենտրոնական թաղամասի 1979թ. պեղումների XI-XII դդ. թվագրվող շերտից:

Դրոշմագարդ ամանի մի բեկոր 2003թ. գտնվել է Հայկաձորի պեղումներից (տախտակ I, նկ. 6): Մանրահատիկ կավից, վատ թրծված կարմիր կարասի փոքրիկ բեկորի վրա շրջանի մեջ երկու եռանկյունիներից կազմված վեցթևանի աստղ է, կենտրոնում՝ կետ: Մեծ շրջանի տրամագիծը 3,5սմ է, փոքրիցը՝ 2սմ: Մեծ շրջանից ելնում են տասը փոքր, եռանկյունաձև ճառագայթներ: Նախշագարդամա՞ր սա նման է Կումայրիի գտածոյին: Իսկ թվագրմանն օգնում է այստեղ գտնված XI դ. բյուզանդական դրամը (բնորոշումը՝ դրամագետ Ա. Չոհրաբյանի): Կարմիր ներկված կարասների այս բեկորները մանրահատիկ կավից են, մեծ մասամբ՝ վատ թրծված միջնաշերտով: Դրոշմներն արված են հարթ կմիքներով, խորակոս գծանախշերով սահմանափակված 4սմ լայնությամբ ժապավենի մեջ՝ իրարից 3,5սմ հեռավորությամբ:

Զննարկվող դրոշմները թեև իրար նման են, սակայն իրար չեն կրկնում և իրենց զուգահեռներն ունեն Անիի դրոշմագարդ կարասների զարդանախշերում: Անիի նյութերի մեջ բավական շատ են զուտ երկրաչափական մոտիվները՝ շրջանի մեջ ներառված քառակուսիներով և եռանկյունիներով: Թեև Անիի գոտեզարդ կարասների նախշագարդումը միապաղաղ է, սակայն նույն նախշը բացարձակապես չի կրկնվում:<sup>14</sup>

Միջնադարյան խեցեղենի վրա շրջանի մեջ երկու եռանկյունիներով ստացված զարդաձևը շատ է հանդիպում ջնարակապատ ամանների նախշագարդումներում և ընդունված է որպես «վեցաթև աստղ»: Երբեմն ուսումնասիրողների կողմից այս զարդաձևը դիտարկվել է իբրև վեցանկյուն խաչ:<sup>15</sup> Նշված զարդով անոթներ գտնվել են նաև Դվինից:<sup>16</sup> Այսօրինակ նախշագարդամա՞ր անոթները թվագրվում են IX-X դարերով: Դրոշմներն իրենց զուգահեռներն ունեն ճարտարապետական հուշարձանների զարդաքանդակներում: Անիի պալատական եկեղեցու հյուսիսային պատի վրա պահպան-

\*\* Նյութերը պահվում են Շիրակի երկրագիտական թանգարանում (ՇԵԹ):

<sup>13</sup> Բ. Առաքելյան, Հայկական պատկերաբանականները IV-VII դդ., Եր., 1949, նկ. 20, 24:

<sup>14</sup> И. Орвелл, Избранные труды, Ер., 1963, стр. 90, рис. 16, 17.

<sup>15</sup> Ֆ. Բաբայան, նշվ. աշխ., էջ 30-31:

<sup>16</sup> Նույնը:

վել է այսպիսի մի զարդանախշ:<sup>17</sup> Նմանօրինակ զարդ պահպանվել է նաև Գվինի պեղումներից գտնված գիպսից հարթաքանդակի մի բեկորի վրա: Չարդի կենտրոնում շրջագիծ է՝ շուրջը զույգ եռանկյունիներ, այդ ամենն առնված է շրջագծի մեջ, իսկ վերջինս էլ՝ մի վեցանկյուն աստղի:<sup>18</sup> Այս զարդանախշի հիմքում ընկած եռանկյունին, որպես երկրաչափական մոտիվ, առնչվում է նաև կենաց ծառի հետ: Իսկ ծառը գաղափարական մի եռանկյունի է, որի հիմքում գտնվող անկյունները ներկայացնում են ծնող զույգին, իսկ վերևի անկյունը՝ զավակին: Եվ այս եռանկյունին է, որ հանդիպում է հայկական մանրանկարչության մեջ: Դրանք մեծ մասամբ կենաց ծառի վրա պատկերված են նույնաձև՝ իրար մեջ ազուցված, որից ստացվել է վեցաթև աստղ:<sup>19</sup>

*Այծերի պատկերներ.* Դրոշմների այս շարքում առավել տիրական են այծերի պատկերները: 1970թ. Կումայրիից գտնված դրոշմազարդ երկու կարասների բեկորների վրա այծեր են (ՇԵԹ 1391): Բեկորներից մեկը սև է: Պահպանված հատվածի վրա 1,4 սմ լայնությամբ խորակոս ժապավենից հետո արված է դրոշմը (տախտակ I, նկ.7): Երկու կենդանիներ են, որոնցից ձախի գլխի և առջևի ոտքերի մի փոքր հատվածն է պահպանվել, իսկ աջ կողմինն անորոշ է՝ բեկորի այս հատվածի կտրված լինելու պատճառով: Մյուսը նույնպես 1970թ. գտնվել է Կումայրիից (ՇԵԹ 1517), կարմիր կարասի բեկոր է՝ 2,3 սմ լայնությամբ ժապավենի վրա ձախից աջ իրար հետևից գնացող մեծ ու փոքր այծերով (տախտակ I, նկ.1): Կարասն ավազախառն կավից է և վատ է թրծված: Ներկված է կարմրով՝ ազատ թողնելով դրոշմազարդ գոտին: Ի տարբերություն նախորդի, այս դրոշմազարդն առնված չէ գծազարդով սահմանափակված տարածքի մեջ: Դրոշմի վրա չորս այծեր են՝ մի գծով իրար հետևից հանգիստ կանգնած դիրքով: Այծերից երկրորդի մեջքից վերև մի կետ է արված, իսկ չորրորդ այծի մեջքից վերև՝ երկու կետ:

*Որսի տեսարան.* Եթե նախորդ դրոշմների վրա միայն կենդանիների պատկերներ էին, ապա 1979թ. Մարնաշենից (քառ. Է-2, խոր.՝ 120սմ) գտնված դարչնագույն, մանրահատիկ, լավ թրծված կարասի բեկորի վրա 6 սմ լայնությամբ խորակոս գծանախշերով եզերված ժապավենի մեջ (ՇԵԹ 3306/21) որսի տեսարան է: Երեք կենդանիներ են՝ փախչող այծյամներ և նրանց հետապնդող շուն (տախտակ 2, նկ.3): Առաջին այծյամն ունի փոքր եղջյուրներ, կարճ պոչ, վզին՝ երկու նետ: Երկրորդը նույնպես այծյամ է, որն ունի փոքր գլուխ, սուր ծնոտ, կարճ ականջներ, իրար կիպ երկու փոսիկով արված են աչքերը: Գլխից նետահարված կենդանին պատկերված է ցատկի պահին, առջևի ոտքերը բարձր են և ընդհուպ միացած առաջին կենդանու վեր ցցված պոչին: Երրորդ կենդանին շուն է՝ նույնպես ցատկի պահին պատկերված, ունի բարակ, երկար իրան և երկար պոչ, փոքր գլուխ, կարճ և ցցուն ականջներ: Բերանը բաց է, փոքր փոսիկով արված է աչքը: Շան պոչին կպած մեկ այլ պատկեր է եղել: Թեև այս հատվածից զարդագոտին կտրված է, բայց պահպանված փոքր մանրամասներից ենթադրվում է, որ պատկերված է ձեռքերը վեր պարզած (զուցե պարող) մարդ:

*Կենդանիների կողքին պարող մարդ.* Կումայրիից գտնված դեղնավուն, ավազախառն, մանրահատիկ կավից կարասի մեկ այլ բեկորի վրա կենդանիների կողքին պարող մարդ է (ՇԵԹ 1470): Կարասի իրանից դեպի վիզն ընկած հատվածում 4 սմ լայնությամբ ժապավեն է անցնում: Դրոշմը մասամբ է պահպանվել: Աջից ձախ պատկերների այսպիսի շարան է. հեծյալ, այծ, ինչ-որ պատկեր (աղճատվել է մինչ թրծելը) և պարող մարդ (տախտակ 2, նկ.1): Առաջինը հեծյալն է: Չիու գլուխը հակված է ներքև՝ ընդհուպ մոտեցած կրծքին, առջևի ոտքերն ամբողջ թափով առաջ են նետված: Գավակին մարդ է՝ աջ ձեռքը գլխից բարձր դիրքով առաջ է պարզած, ձախը՝ գոտկատեղին: Այծի դիրքն ուղիղ է: Երկար պոզերը համարյա հավում են մեջքին, պոչը բարձր է: Այծի գլխի դիմաց արև է, կամ աստղ: Այնուհետև թռչնի աղավաղված պատկերն է: Հստակ երևում են ոտքերը, իրանը պոչի մասով: Արևի կամ աստղի նույնպիսի մի զարդ թռչնի դիմաց է: Հաջորդը պարող մարդու պատկերն է: Մարդն ունի ուղիղ կանգնած դիրք,

<sup>17</sup> Н. М а р р, Ани, Дворцовая церковь, Памятники армянского искусства т. XVIII вьш. I Пг. 1915; (տես նաև Բարսյան, նշվ. աշխ., էջ 31):

<sup>18</sup> Կ. Ղ ա Ֆ ա դ ա ղ ա ն, Գվինի քաղաքը և նրա պեղումները, Եր., 1952, էջ 127:

<sup>19</sup> Ա. Մ ն ա ց ա կ ա ն յ ա ն, Հայկական զարդարվեստ, Եր., 1955, էջ 240, նկ. 264,265,267,268:

զուխը փոքր է, թևերն ուսից բարձր դիրքում են, ընդ որում, աջը շրջան կազմելով հրավել է թևատակին, իսկ ձախն արմունկից ազատ իջնում է ցած: Հագուստը հասնում է ծնկների: Այծի և թռչնի աղճատված պատկերի ետին պլանում ուղղահայաց գծեր են: Կենդանիները շարժման մեջ են: Պատկերի ամենավաղ օրինակները հայտնի են ժայռապատկերներից: Այծի և մարդու նույն ոճով արված մի պատկեր հայտնի է Գեղամա լեռներից, ուր այծի կողքին կանգնած է թևերը կանթած մարդ:<sup>20</sup> Այծերի պատկերով դրոշմագարդերը հանդիպում են XI-XIII դարերի կարասների վրա: Արգիշտիխիլի միջնադարյան շերտից գտնվել է կարմիր փայլեցված կարասի բեկոր՝ դրոշմագարդ զույգ այծերի պատկերով:<sup>21</sup> Նույն հնավայրից գտնված մեկ այլ կարասի վրա այծերը կանգնած են կենաց ծառի մոտ:<sup>22</sup> Միջնադարյան ճարտարապետական հուշարձաններից այծերի նման պատկեր հայտնի է Աղթամարի բարձրաքանդակներից, ուր քանդակված են դեմոնաց կանգնած այծեր:<sup>23</sup>

Հայաստանի միջնադարյան տարբեր հուշարձաններից հայտնաբերված կարասների բեկորների վրա (X-XII դարեր) այծերը հանդիպում են նաև թռչունների ուղեկցությամբ: Դվինից գտնված կավամանի բռնակի տակից անցնում է 2,5 սմ լայնությամբ դրոշմագարդ գոտի՝ այծի, կենաց ծառի և աղավնու պատկերով:<sup>24</sup> Այծի պատկերները, սկսած ժայռապատկերներից, հանդիպում են բոլոր դարաշրջաններում, տիրական թեմա են հայ մշակույթում: Ուրարտական կարասի բեկորի վրա կենաց ծառի մոտ այծի և առյուծների պատկեր հայտնի է Արգիշտիխիլի պեղումներից:<sup>25</sup>

Միջնադարյան տարբեր հուշարձաններից հայտնաբերված գոտեզարդ կարասների վրա թեև առավելապես կենդանական և բուսական պատկերներ են, բայց հանդիպում են նաև մարդկանց պատկերներ: Մի քանի բեկոր գտնվել է Անիից և մեկ ուրիշը՝ Դվինից: Այս դրոշմագարդերի վրա այծի հետ պատկերված է երեք պարող մարդ:<sup>26</sup>

*Մարտի տեսարան*. 1972թ. Մարմաշենից (ՇԵԹ 1433) գտնվել է մանրահատիկ, լավ հունցած վարդագույն կավից կարասի մի բեկոր, որի 4,7 սմ լայնությամբ, երկու եզրագոտով սահմանափակված ժայռի տեսարան է (տախտակ 2, նկ.2): Չախից առաջինը հանգիստ կանգնած դիրքով ձի է, երևում է գլուխը՝ սանձի մի մասով: Հաջորդը նետածիգ է: Իրանն ուղիղ, դեմքը կլորավուն է, հոնքերը՝ կամարակապ: Գլխին սրածայր գլխարկ է: Աջ ձեռքը արմունկից ծալված է և ձգել է նետը: Չախ ձեռքը չի երևում: Չախ ուսից վերև երևում է միայն աղեղի մի մասը: Այստեղից իրը կտրված է: Չիու վիզը երկար է, զուխը՝ բարձր, առջևի ոտքերը գետնից կտրված են, հետևի ոտքերը՝ քիչ ծալված, երկար պոչը համարյա հասնում է գետնին: Հեծյալի պատկերը թեև հրստակ չէ, սակայն երևում է, որ աջ ձեռքով բարձր պահել է նետելու պատրաստ միզակը:

Շիրակի տարբեր հնավայրերից գտնված դրոշմագարդ կարասները կարմիր են կամ դարչնագույն, դրոշմներն արվել են ուղիղ և զլանած կնիքներով: Չարդաշարն առնված է 3-4,7սմ լայնությամբ գոտու մեջ, որն ավելի արտահայտիչ է դարձնում դրոշմվածքը: Կարմիր ներկված կարասների զարդագոտիները հիմնականում չեն ներկվել՝ հավանաբար պատկերներն ավելի ընդգծուն և դիտելի դարձնելու համար: Այդ դրոշմագարդ կարասների թեմատիկան տարաբնույթ է: Թեև գտածոները շատ քիչ են՝ ընդամենը մոտ մեկ տասնյակ բեկոր, սակայն ոչ մի պատկեր չի կրկնվում: Դրանք ոչ միայն ավանդական - ծիսական են, այլ նաև ներկայացնում են առօրյա կյանքն ու կենցաղը և նախշագարդան ձևով ունեն ոճական ընդհանրություններ միջնադարյան խոշոր կենտրոնների՝ հատկապես Անիի կարասների հետ: Մարմաշենի, Կումայրիի և

<sup>20</sup> Հ. Մ ա ղ ա ի ռ ո շ ա ն, Հ. Ի ս ռ ա յ ե լ յ ա ն, Գեղամա լեռների ժայռապատկերները, Եր., 1971, նկ. 251:

<sup>21</sup> Ֆ. Բ ա ղ ա յ ա ն, Միջնադարյան Հայաստանի գեղարվեստական խեցեղենի զարդաները, Եր., 1981, էջ 35:

<sup>22</sup> Նույնը:

<sup>23</sup> Ֆ. Բ ա ղ ա յ ա ն, նշվ. աշխ., նկ. 30:

<sup>24</sup> Ի. Օրբելի, *Избранные труды*, Ер., 1963, стр. 149; Ֆ. Բարսյան, նշվ. աշխ., էջ 36:

<sup>25</sup> А. М а р т и р о с я н, Археологические памятники Армении, вып.1, Аргиптихинили, Ер., 1974, стр. 94, рис. 59.

<sup>26</sup> Ի. Օրբելի, *Избранные труды*, Ер. 1963, стр. 90, рис. .16, 17; Վ. Արրահանյան, *Արհեստները Հայաստանում*, Եր., 1956. էջ 214:


Հայկաձորի դրոշմագարդ կարասները կարող էին բերվել նաև Անիից: Տեղում արտադրվելու դեպքում դրոշմագարդ կարասների քանակը թերևս չէր սահմանափակվի մի քանի օրինակով: Դրա օգտին են խոսում նաև դրոշմագարդ կարասների և տեղում արտադրված այլ կավանոթների բեկորների բաղդատումը. դեղնավուն, մանրահատիկ, քիչ ավազախառն կավ, թրծման և այլ հատկանիշների ընդհանրություններ:

Այստեղից հետևում է, որ դրոշմագարդ կարասներն ընդհանրապես ավելի քիչ են արտադրվել: Եվ դա գուցե այն պատճառով, որ օգտագործվել են միայն հատուկ դեպքերում կամ տոնախմբությունների ժամանակ:


Շիրակի դրոշմագարդ կարասների թվագրմանն օգնում են ոչ միայն նույն շերտից դուրս եկած ճշգրիտ թվագրվող նյութերը, այլ նաև զարդանախշերի համադրումը Անիի, Դվինի և Անրեթի նյութերի, ինչպես նաև մանրանկարչության և ճարտարապետական հուշարձանների վրա պահպանված զարդանախշերի հետ: Այս ամենը թույլ է տալիս Շիրակի դրոշմագարդ կարասները թվագրել XI-XII դարերով:

Շրջանառության մեջ դրվող հավաքածուն լրացնում է դրոշմագարդ կարասների մինչ այժմ հայտնի պատկերների թեմատիկան՝ միաժամանակ ընդարձակելով Հայաստանում դրոշմագարդ կարասների տարածման տիրույթը:

Տ Ա Խ Տ Ա Կ 1



## Տ Ա Խ Տ Ա Կ 2



## ШТАМПОВАННЫЕ КАРАСЫ ИЗ ШИРАКА

\_\_\_ Резюме \_\_\_

\_\_\_ Л. Еганян \_\_\_

В статье рассматривается группа карасов, выполненных техникой штамповки, раскопанных из средневековых памятников Мармашена, Кумайри и Айкадзора. Изучение орнаментов на штампах показывает, что основная тематика - это геометрические орнаменты, изображения животных, сцены сражения и охоты. Сравнение орнаментов и рисунков с материалами из известных средневековых центров производства штампованной керамики показывает, что по стилю и выполнению они близки материалам из Ани. Рассматриваемый материал датируется X-XII вв.